

毛

詩

說

毛詩卷五

大雅三

文王什三之一

文王七章章八句

文王宗祀文王配上帝也

文王在上。於昭于天。周雖舊邦。其命維新。有周不顯。帝命不時。文王陟降。在帝左右。

在上洋洋乎在上也。於歟辭昭著也。於昭昭之至也。于天在上之所也。周本大王居邑。此統命邠岐而言。故曰舊邦。命受天命有天下也。新者文王始受天命。故武王遂有天下也。不顯顯也。

帝上帝也不時時也不先不後及時而命之也陟升降下也自武王有天下而有周遂爲天下王豈不顯乎上帝之命豈不時乎然此皆文王之靈升降上帝左右之所致也此原所以宗祀配帝之由也

疊疊文王。令聞不已。陳錫哉周。侯文王孫子。文王孫子。本支百世。凡周之士。不顯亦世。

疊疊不倦意德之純也。惟德純故令名無窮也。陳布錫賜也哉。益古載字侯維也。傳以陳錫載周爲能施。益文王之布德施惠。非止及身之令聞而已。故必載周使有天下而又及其孫子而孫子之本宗爲天子支庶爲諸侯又及於百世且凡周士之爲。

臣子者亦無不顯於世。世焉極言文王之德之盛而流澤之長也。

世之不顯。厥猶翼翼。思皇多士。生此王國。王國克生。維周之禎。濟濟多士。文王以寧。

因承上周士而言其世之所以亦無不顯者以其所謀皆如鳥翼之左右乎王國也。皇大也。美也。禎。禎也。濟濟多貌。然思此大美之多士何由而生此王國乎。蓋賢材之衆。國家昌盛之兆。王國而克生此士。即爲周邦之禎。況又濟濟其多。則文王在上之靈有不藉之以寧者乎。此美王官助祭之人而遂勗王用賢也。穆穆文王。於緝熙敬止。假哉天命。有商孫子。商之孫子。其麗不億。

上帝既命。侯于周服。

穆穆深遠。意緝續熙明也。敬止以敬爲止也。假大也。亦僞也。假哉。天命蓋言天命不足恃以警王也。天命何爲不足恃。即有商之孫子可見矣。麗麗於天也。億意度也。服臣而服也。言商自成湯代夏。其孫子慎厥麗。乃勸則天命之保乂有商。固不可億度矣。乃自上帝簡畀殷命。而商之孫子遂無不臣服於我周乎。以下皆戒王之辭。

侯服于周。天命靡常。殷士膚敏。裸將于京。厥作裸將。常服黼黻王。之蓋臣。無念爾祖。

此又承上而言。夫惟臣服于周。則有臣且無定位。而天命益靡

常矣士與周士同皆統諸侯大夫言也膚美敏疾也裸裸也  
將助祭也京周京也作創也常服殷王之常服黼黻裳冏殷冠  
也據商有天下而言則曰商之孫子據周有天下而言故又變  
文言殷士也殷士之膚敏者裸將于京惟服於周故也若其創  
行裸將而仍服黼冏又欲使後王監殷畏天命之假而靡常也  
王時王主祭者蓋進也蓋臣進思盡忠也祖謂文王也然則王  
之蓋臣得無念爾祖文王之敬止乎不欲斥王故曰蓋臣也終  
以念祖應敬止與上章回環反覆之文義也

無念爾祖。聿修厥德。永言配命。自求多福。殷之未喪師。克配上帝。  
宜鑒于殷。戰命不易。

此又承念祖而歸本於修德也。修德即緝熙敬止之謂配合也。言能修德則庶可永久合乎天命而自求多福耳。曰自求言求之在己不在乎外也。鑒鏡也。駭大而疾也。未喪師謂帝乙以上其德皆能合乎帝也。以殷爲鏡則得失瞭然大命之去來甚疾不敢易而忽之矣。

命之不易無過爾躬。宜昭義問。有虞殷自天。上天之載無聲無臭。儀刑文王。萬邦作孚。

過絕宣布也。義猶善也。宜也。問下問也。有文通虞度也。此又承命之不可易忽而以過躬爲戒也。然求所以無過者又於何而致力乎。亦惟有勤於義問爲修德之基而又度殷之所以廢興

者以究之於天耳。載事儀擬刑法乎信也。但上天之事無聲無臭非可得而度也。惟取法於文王底幾可爲萬邦作乎先乎。

周之有天下也。雖自武王始而其受天命實本於文王。故合天下之諸侯宗祀文王於明堂以配上帝。固前古所未有。而周公特以義起之禮也。首章言文王之神左右乎帝。因祭時在上而言也。次章言文王之德足以造周。本其始也。三章言文王之寧由於多士。勗其終也。自四章以下則往復於商周之興廢天命之靡常而切之於昭義問。刑文王焉。蓋周之受天命而孚萬邦惟文王作之先矣。然而文王不可企及。後之有天下者將於何而配命哉。亦惟在乎問學而已。猶翼多幹。



即宜昭也。修德求福。即儀刑也。以宗祀尊文王。即以親上帝。即以祈求永命。而至於垂訓後王。懷畏萬邦者。亦無不寓焉。此周公所謂多材藝。而其詩冠於大雅之首也。諡之見於詩者。召南止平王。秦風止穆公。至大雅而文王始首著焉。又以見文王爲周邦受命之本。與周南關雎之三相應。而凡大雅三頌之味諡者。皆不可不深思其義矣。

大明八章四章章六句四章章八句

大明追尊王季也

明明在下。赫赫在上。天難忱斯。不易維王。天位殷適。使不挾四方。明明明而又明。謂王季文王繼明非一世也。在下爲諸侯也。赫

赫赫而又赫謂商王也在上爲天子也忱信也天位天子之位也股適殷之嫡嗣也挾有也上下有定分亘古之大義也乃天位股適而天使之不挾四方則天果可忱而王果可易乎

摯仲氏任自彼殷商來嫁于周曰嬪于京乃及王季維德之行大任有身生此文王

摯國任姓也契始封商湯因以爲有天下之號至盤庚遷殷又改號股其後遂殷商兼舉也摯本商畿內諸侯故云自彼來嫁也嬪婦也王追尊之也季本稱也小國之君天子之命大夫皆舉行也仲以女言嬪以婦言大以母言辭雖重疊義各有取也身懷孕也王季因文王而追尊故推本所生而并及大任也

維此文王。小心翼翼。昭事上帝。聿懷多福。厥德不回。以受方國。

小心翼翼。恭慎以事上也。懷來回邪也。方國。四方之國也。受方國。即受天命也。

天監在下。有命既集。文王初載。天作之合。在洽之陽。在渭之涘。文王嘉止。大邦有子。

監察也。下。下國也。集。萃載年合配也。洽。水在同州府郃陽縣。今流已絕。嘉。昏禮也。大邦。華國也。子。大姒也。

大邦有子。覲天之妹。文定厥祥。親迎于渭。造舟爲梁。不顯其光。

覲。啓也。譬也。天妹。尊美之也。文。禮祥吉也。言卜得吉而以納幣之禮定其祥也。造。作梁橋也。比舟加板以通行者。今浮橋也不

顯其光言造舟親迎昏禮成而家道正豈不顯乎其有光也  
有命自天。命此文王。于周于京。續女維莘。長子維行。篤生武王。保  
右命爾。變伐大商。

續繼也。繼大任之女事也。莘國姒姓。長子即大姒也。行嫁焉。厚  
也。篤生者大任既生文王而大姒又生武王。是天命篤厚之也。  
右尊也。爾謂武王也。變和也。言順天應人也。

殷商之旅。其會如林。矢于牧野。維予侯興。上帝臨之。無貳爾心。  
旅衆會聚也。如林盛也。矢陳也。牧野商郊牧地之野也。予猶周  
也。興興起而有天下也。貳不一也。心有二則德不純。戒辭也。

牧野洋洋。檀車煌煌。駟騶彭彭。維師尚父。時維鷹揚。涼彼武王。肆

伐大商會朝清明。

洋洋廣大貌煌煌鮮明貌古無驟字止當作原平原也彭彭者駟乘之人騁車於平地而強勇衆多即革車三百虎賁三千之謂師大師尚字文專之即齊大公也鷹揚如鷹之飛揚而將擊言其猛也涼亮佐助也肆縱兵也會朝會戰之旦也清明戰勝而天下清明昏主皆而聖人作也

記曰無憂者其惟文王乎以王季爲父以武王爲子父作之子述之則季所以追王推文王之意也而文王之意所以能推則又由武王之有天下也故此詩追尊王季必下及文武至於伐商蓋以追王成德其義固如是耳然王猶止係於季

而無若文王之諱則周公之制禮謹嚴不敢以溢美妄加其祖又於斯可見矣

縣九章章六句

縣追尊大王也

縣縣瓜瓞民之初生自土沮漆古公亶父陶復陶穴未有家室。

縣縣不絕貌大曰瓜小曰瓞瓜之近本初生者常小其蔓不絕至末而後大也民周人也自從也土古杜字齊詩作自杜沮漆杜水名出今鳳翔縣杜陽山入漆水沮水無攷疑卽今雍水也出鳳翔縣雍山亦入漆水漆水今在邠州直隸州一名白土川入渭古稽古也公有宗有邑者之通稱也重字父尊之也陶窰

竈復重窰穴土室也。陶復止復土於地上。陶穴僅穴土於地中。皆不成乎家室也。以瓜之先小後大。喻周人之生於沮漆其國甚小而後大也。

古公亶父來朝走馬。率西水滸。至于岐下。爰及姜女。聿來胥宇。來朝則不及戒期。走馬則不及夙駕。至明而即啟行。急於避寇難也。水滸水也。岐下岐山之下也。姜女大王妃也。宇宅也。

周原膺膺。苴荼如飴。爰始爰謀。爰契我龜。曰止曰時。築室于茲。周原岐下地。膺膺肥美貌。苴荼苴菜與荼皆苦菜。飴飴也。始始志也。謀計議也。契刻也。刻龜甲以燃火而卜也。曰止曰時卜吉而止。順乎時也。築室于茲亦卜辭也。

通慰通止。通左通右。通疆通理。通宜通畝。自西徂東。周爰執事。  
慰勞行者止定居者宜疆理正而著明也。畝一屋之居也。西東。  
原之西東也。周爰執事。既定邑於周。遂各執其事也。蓋至岐胥  
宇不過一時避難之舉。迨嘗荼堇。龜止時而後慰止。疆理定居  
而事事也。

乃名司空。乃名司徒。俾立室家。其繩則直。縮版以載。作廟翼翼。  
以下三章皆詳執事也。司空掌營國司徒掌徒役。繩以直物。凡  
營度位處必以繩正之。乃可束版而築也。縮束也以索束版以  
版載土也。廟祖廟也。翼翼。羣宮而言兩列如翼也。

揀之陲陲。度之薨薨。築之登登。削屢馮馮。百堵皆興。鼙鼓弗勝。



抹盛土於器也。陬陬衆也。度投土於版也。甍甍聲也。登登加高也。削屢牆成而削治再三也。馮馮勢高陵下也。興起也。弗勝樂事勸功鼓不止也。此室家成也。

廼立皋門。皋門有伉。廼立應門。應門將將。廼立冢土。戎醜攸行。皋門郭門外門也。伉高貌。應門正門也。將將嚴正也。冢土大社也。戎戎事也。醜衆也。

肆不殄厥愠。亦不隕厥問。柞械拔矣。行道兌矣。混夷駢矣。維其喙知。

肆故也。承上起下之辭。殄絕愠怒隕墜也。問闢通美譽也。大王不能守邠不得已遷岐。不能絕其愠矣。然自遷岐之後而國日

益大則亦不墜其聞也。械白接也。拔除去也。兌成蹊也。混夷即獯鬻也。說并寢也。喙者病喙短息言衰弱也。

虞芮質厥成。文王蹶厥生。予曰有疏附。予曰有先後。予曰有奔奏。予曰有禦侮。

虞國今解州平陸縣有虞城芮國今同州府朝邑縣有芮城質正成平也。蹶動而疾也。生猶起也。傳曰虞芮之君相與爭田久而不平乃相與朝周入其境則耕者讓畔行者讓路入其邑男女異路斑白者不提挈入其朝士讓大夫大夫讓卿二國之君感而相謂曰我等小人不可以履君子之境乃相讓以其所爭田爲間田而退天下聞之歸者四十餘國是質成而蹶生也。予

詩人自予也率下親上曰䟽附相導前後曰先後喻德宣譽曰  
并奏武臣折衝曰禦侮有此四臣又厥生之本也

孟子曰大王之徙居岐山非擇而取之不得已也苟爲善後  
世子孫必有王者矣君子創業垂統爲可繼也蓋周之王業  
始於遷岐而興於質成故追王之典必上至大王也然此詩  
但言大王文王而中不及王季下不及武王則以有天下雖  
在武王而創業固在大王受命固在文王王季與武王不過  
守成順命故也至追尊雖溯王業之始而詩辭猶止稱公稱  
字從其本始而言則仍不欲妄加非分以誣祖而欺天下臣  
民也其義嚴哉

械模五章章四句

械模勉武王也

凡凡械模薪之樵之。濟濟辟王。左右趣之。

凡凡盛貌。械模皆木之叢生茂密者。樵積也。喻賢才之多。必廣收厚積以待用也。濟濟容貌之美也。辟君也。辟王君天下之王。謂武王也。左右輔相之人也。趣疾也。促也。言王之濟濟以君天下。必恃左右之輔相。其不及而後能敏於事。此薪樵之所以不可緩也。

濟濟辟王。左右奉璋。奉璋峨峨。髦士攸宜。

半圭曰璋。奉璋者王撫諸侯。則使王官奉璋以覲聘也。峨峨高

貌容貌尊嚴不辱王命也髦俊也外交諸侯惟髦士爲宜王官  
稱其庸使則王極乃建也

淠彼淠舟。烝徒楫之。周王于邁。六師及之。

淠疾流貌。淠舟淠水之舟。師也。烝衆也。徒舟師之徒。猶甸地有  
甸徒也。楫櫂也。邁。進行也。及者。非但陸行而甸徒從。即水行而  
舟徒亦無不盡從也。君行師從。所以張王威也。

俾彼雲漢。爲章于天。周王壽考。遐不作人。

俾明貌。雲漢。漢光如雲也。雲漢統攝列宿。回環竟天。天體之大  
網。最爲章著。猶王者爲天下君人之大綱也。周王壽考。卜世久  
也。壽考則遐矣。遐豈有不在於作人者乎。作人即興賢才也。

追琢其韋金玉其相勉勉我玉綱紀四方

追雕也金玉曰琢玉曰琢相質也追琢以成文金玉以立質可以王天下矣然不可不勉而又勉也王也者四方之綱紀也不勉則必至暇逸而有叢脞之患又何以綱紀四方哉

王者之治天下也外事則懷諸侯爲大而懷之之要又莫先於使聘時巡之交際二章王官出聘也三章天子時巡也然而非有其人則固不能使不能巡也故首章先之以求賢而四章繼之以興賢但爲政雖在乎人而取人必本乎身故末章又終之以我王之勉勉蓋修身爲本於茲益可信矣以下三詩其亦非周公不能作也哉

旱麓六章章四句

旱麓美武王也。蓋亦以美爲規。

瞻彼旱麓。榛楛濟濟。豈弟君子。千祿豈弟。

旱山名麓山足也。榛似栗而小。楛似荆而赤。濟濟多也。亦以山之多材喻國之多賢也。君子謂武王也。千求也。祿天祿也。言王能用賢以求天祿。故能成其豈弟也。

瑟彼玉瓚。黃流在中。豈弟君子。福祿攸降。

瑟鎮密貌。玉瓚王爵也。六彝之屬。賓祭所用以裸者也。黃流鬱鬯也。以秬黍爲酒。築鬱金煮而和之。使芬芳條暢。實於瓚以裸也。言王惟敬臨賓祭。恭己無爲而福祿自降也。

鳶飛戾天。魚躍于淵。豈弟君子。遐不作人。

鳶飛魚躍化及禽魚無不咸若也太和之象至天地位而萬物育神化之所被者遐矣然有不由於作人者乎極言盛德以爲勸也

清酒既載。騂牡既備。以享以祀。以介景福。

載具也此章即集信南山及楚茨中句以致意后稷爲周始祖故又言能享先祖以獲福也

瑟彼柞棫。民所燎矣。豈弟君子。神所勞矣。

瑟茂密貌民即民之初生之民謂周人也燎實柴樵燎以祀天神也神天神也勞慰也事天而神勞王者之能事極矣



莫莫葛藟。施于條枚。豈弟君子。求福不回。

葛藟喻臣民條枚喻王也言葛藟附條枚而盛猶天下賴王以治安也不回微言不可有回亦戒辭也

此詩與上篇大略相似故首喻用賢末言求福其義同也而敬賓祭格鳶魚享先祖對天神則又無事外求而尊重乎垂拱無爲基命宥密似較前篇之義更爲精微矣而其實內外不可偏廢上篇主於安人此篇極於盡性王道斯爲至也

思齊四章章六句

思齊歲武王也爲武王自歲之辭

思齊大任。文王之母。思媚周姜。京室之婦。大如嗣徽音。則百斯男。

思齊以齊存心也。媚順也。周姜大王妃也。大王始邑於周。故謂大姜爲周姜也。京猶周也。周以地名。京以地之高。大言也。言大任以齊存心。故能以順周姜存心。而成京室之婦也。大如文王妃也。言大對武王而以母尊也。嗣徽音。繼大任之美譽也。有男言其多也。歷數陰教之隆。以見有天下由於正家也。

惠于宗公。神罔時怨。神罔時憫。刑于寡妻。至于兄弟。以御于家邦。惠順也。宗。大宗。公。先公也。神。后稷以下至文王也。憫。痛。刑法也。寡妻。寡德之妻。謂邑姜也。御。馭也。家有邑大夫。邦有國諸侯也。蓋周世之陰教。雖隆。實由先公之反身以假家也。故王之治天下也。必先惠宗公。刑寡妻。至兄弟而後可御家邦也。

雖雖在宮。肅肅在廟。不顯亦臨。無射亦保。肆戎疾不殄。烈假不覲。  
雖雖和之至也。肅肅敬之至也。宮統十二室而言。廟則朝會之  
處也。不顯幽隱之地。臨以莊也。射厭也。保猶守也。極言主敬  
不可懈也。肆故也。戎疾既克。商而邁大疾也。不殄獲瘳也。烈功  
假大也。功之大者。克商而有天下也。瑕疵也不瑕。無慙德也。此  
就已事而言。

不聞亦式。不諫亦入。肆成人有德。小子有造。古之人無斁。譽髦斯  
如。

聞前聞也。式法也。無前聞而亦合於法。不待諫而亦入於善。非  
自修之至不能也。己冠爲成人。小子童子也。造造於德也。古之

人文王以上也。譽髦成其髦而且。有譽也。上能無戮乎。古人下能譽髦乎。斯士則底幾賢才舉而天下可長治矣。此雖據今而言而尤切恒久於將來也。

此詩推本內教世澤以有天下而遂極之修身而身修作人而人作視前二詩尤爲親切而求治須賢則其義一也。傳曰師歲曉賦矇誦此三詩所由作以自儆歟。

皇矣八章章十二句

皇矣旅上帝於岐山以大王王季文王配也

皇矣上帝臨下有赫。監觀四方求民之莫。維此二國其政不獲。維彼四國是究是度。上帝著之。憎其式廓。乃眷西顧。此維與宅。

皇大也赫威明也監察也莫安定也二國夏商也不獲失其道  
 也四國四方之國也究尋度謀者致廓大也究之度之於四國  
 無不致其求莫之意也然有國者但恃其國之大而皆無莫民  
 之志故上帝憎惡之不得已而西顧岐山以其地宅大王也此  
 宅謂岐山也蓋岐山之下本無國邑故上帝特以其地與大王  
 使之闢而宅之也

作之屏之。其舊其翳。修之平之。其灌其漑。啟之辟之。其榱其榑。攘之剔之。其櫨其柝。帝遷明德。串夷載路。天立厥配。受命既固。

作拔起也屏去之也鬻木立死者鬻木橫斜蔽翳者修平皆治使疎直也灌叢生者剷行生者啟辟芟除也檉河柳梔櫟也

爲林攘剔去煩冗也。鑿山桑與柘皆美材可爲弓輪又可蠶也。遷自幽來遷也。明德有明德者謂大王也。串習夷平也。岐地本皆林木險阻自大王遷之而習慣平夷遂成大路也。配配天也。商既不可配天故天立大王爲配而使之受命已堅固也。以上二章言大王受天命也。

帝省其山。柞械斯拔。松柏斯覓。帝作邦作對。自大伯王季。維此王季。因心則友。則友其兄。則篤其慶。載錫之光。受祿無喪。奄有四方。省視也。山岐山也。拔兌言山林開闢道路成也。邦天子之邦也。對猶當也。言擇可當此邦者以君之也。自從也。大伯大王長子。王季大王少子也。大伯爲長子本當嗣位而上帝爲邦作對在

於王季故大伯遜讓亦若天使之遂從大伯之讓而對邦及於  
王季也因順也然王季豈有心越次于位哉亦因大伯善讓之  
心而盡其友兄之道耳蓋使王季必固執其節而不受則既違  
大伯讓位之心又失上帝作對之意必不能有慶有光而受祿  
矣是駕其慶而錫之光遂能受祿無喪而有四方者皆王季因  
心友兄之所致也

維此王季帝度其心猶其德音其德克明克明克類克長克君王  
此大邦克順克比比于文王其德靡悔既受帝祉施于孫子

度忖量也帝度其心猶言天誘其衷也猶同莫德正應和也其  
德克明能自明其德也克類能分善惡也克長教誨不倦也克

君賞慶刑威也。此謂岐山也。曰王曰大邦者。日益開闢有王天下之勢也。克順慈和偏服也。克比上下相親也。比至也。此文王而靡悔言王季之德承大王而啟文王終始無遺憾也。此王季所以既受帝祉而延及孫子也。以上二章言王季受天命也。

帝謂文王。無然畔援。無然歆羨。誕先登于岸。密人不恭。敢距大邦。侵阮徂共。王赫斯怒。爰整其旅。以按徂旅。以駕周祜。以對于天下。以下四章皆言文王受命之事。帝謂文王設爲天命文王之辭也。無然猶言不可如此也。畔。背畔。援。攀援也。言舍此而取彼也。歆。喜羨慕也。言肆情以徇物也。岸。水行至實地處。即道之所在也。言人必能無畔援歆羨而後能先至於道也。密。密須氏。姞姓。



國在今陝西涇州靈臺縣西距違也阮國亦在涇州共阮邑即  
共池王文王也直稱王者殷政下綱密人無王而恃強侵小文  
王能行方伯之職即王者之師也赫有威也其旅周師也接遇  
也祖旅密師之往共者也既篤周祜而又可對天下者因天下  
之公怒而無畔援歆羨之私故也

依其在京。侵自阮疆。陟我高岡。無矢我陵。我陵我阿。無飲我泉。我  
泉我池。度其鮮原。居岐之陽。在渭之將。萬邦之方。下民之王。

依倚也。文王倚在京之衆。侵密自阮疆始也。矢陳鮮美。將側方  
向也。於是陟我之岡。而人無敢陳兵於陵。飲水於泉。以拒我也。  
於是又度其原。而徙都焉。所謂程邑。今西安府咸陽縣也。居岐

之陽文王所以配享岐山也萬邦向而下民王蓋周之有天下  
基於伐密也

帝謂文王。予懷明德。不大聲以色。不長夏以革。不識不知。順帝之  
則。帝謂文王。詢爾仇方。同爾兄弟。以爾鈎援。與爾臨衝。以伐崇墉。  
予設爲上帝。自予也懷眷念也。明德謂文王也。以猶與也。夏用  
木革用皮皆鞭扑之刑。不大不長不作威福也不識不知不作  
聰明也。即明德也。德本於天。能明未有不順帝則者也。仇方讐  
國也。兄弟與國也。鈎援所以鈎引上城。即雲梯也。臨衝車衝衝  
車皆攻城之具也。崇國今西安府鄠縣。即豐邑也。崇侯虎當墮  
文王於紂。紂囚文王於羑里。是仇方也。墉城也。

臨衝閑閑崇墉言言執訊連連攸職安安是類是禡是致是附四  
方以無侮臨衝第第崇墉仡仡是伐是肆是絕是忽四方以無拂  
閑閑練習也言言高大也連連接續也誡割耳也軍法獲者不  
服則殺而獻其左耳也安安不輕暴也類將出師祭上帝也禡  
至所征之地祭黃帝及蚩尤始造軍法者也致致帥附附城也  
致者深入附者羣集也無侮畏威而不敢侮也第第盛貌仡仡  
堅貌伐聲其罪肆陳其尸絕滅其國也忽易也傳云忽諸是也  
拂違也四方無拂天下皆悅服也周之有天下成於伐崇也

周之受命本由天授然於大王曰帝遷明德於王季曰其德  
克明於文王曰予懷明德則三后之拘係從維隨時而克享

天心者亦於斯可見矣

靈臺五章章四句

靈臺武王建國學也今鄆縣東有靈園園中有臺

經始靈臺經之營之庶民攻之不日成之經始勿亟庶民子來

經度也靈臺即保章氏觀星望雲物之臺也營表攻作也不日不多日也亟急也子來如子來趨父事也

王在靈園鹿鹿攸伏鹿鹿濯濯白鳥鵲鵲王在靈沼於物魚躍

王武王也王者建國辨方正位中城之外南東西三面以制六鄉其北則爲圓游之地中建國學國學之北爲臺臺北平地爲圓丘爲冬至祭天之所國學之南爲澤澤中爲方丘爲夏日

至祭地之所澤者沼也園中之水之所鍾也方丘環之以澤四海環地之象也天居北而高地近南而下人不學不可以爲人國學居中三才之道也東西皆爲圓圓者有也萬物無不有也飛潛動植與人並生於天地之中故羅列於國學之旁太和成若之象也伏馴而伏也濯濯肥澤貌萬萬潔白貌物滿也

虞業維樅。賁鼓維鏞。於論鼓鐘。於樂辟廱。

虞植木以懸鐘磬其橫者曰柶業柶上大板刻之捷業如鋸齒者也樅業上懸鐘磬處以采色爲崇牙其狀樅樅然也賁大鼓鏞大鐘也論倫也八音得鐘鼓而和無奪倫也辟廱即射宮國學也樂師掌國學之政六樂所會樂莫備焉故曰於樂辟廱也

於論鼓鐘於樂辟廋鼙鼓達達喤喤奏公

鼙似蜥蜴皮可冒鼓達達聲大也有眸子而無見曰瞽無眸子曰瞶公公事也奏公者將用樂則以鼓徵學士也

武王遷都錫京首建國學合國之子弟以興學此建極之本也建國新政其形於咏歌者當不少矣大雅僅錄靈臺其亦取其至要以爲後世法歟

### 下武六章章四句

下武武王告成王業於三后也

下武維周世有哲王三后在天王配于京

下垂武迹也猶言垂統也周自大王邑周統王季文王而言也

哲王謂後王也言三后創業垂統後當世有哲王以繼之頌禱辭也后君也諸侯爲一國之君其尊後於王也三后謂大王王季文王也生未爲王故但言后尚未追王也在天猶言在上在帝左右也王武王也配配天命而有天下也京鎬京也此以即位告也

王配于京。世德作求。永言配命。成王之孚。

德明德也言三后世有明德武王作而求之亦欲世其德也武王伐紂而有天下固已配命於京矣然必思所以長其配命之道乃可以成其爲王而信世德於天下耳

成王之孚。下土之式。永言孝思。孝思維則。

式則皆法也。夫成其爲王而孚於天下，當何如哉？亦惟在建極而爲下土之法矣。然下土之人又於何而取法乎？惟有長言思盡其孝而已。然思盡孝又豈有他哉？惟以三后爲法，則孝思備矣。

媚茲一人，應侯順德。永言孝思，昭哉嗣服。

媚愛也。一人，天子也。應如王，應侯志之。應侯，諸侯也。服習也。言天下之愛戴武王以爲天子者，乃此應志之。諸侯順乎世德耳。則長言思盡其孝，其維益昭其德，以繼嗣而服習之乎？

昭茲來許，繩其祖武。於萬斯年，受天之祜。

茲此也。來，後世也。許，斯繩繼也。言昭此明德，非僅一身計也。且



爲後世期而並使繩其祖武焉蓋三后既已下武則後世不可不繩武也如是庶可永配命於萬年而受天祐于

受天之祐四方來賀於斯萬年不遐有佐

四方四方諸侯也賀賀新天子即位也夫受祐於何見之即此四方來賀而可見矣自是而後雖受祐萬年不以爲遠亦惟恃有四方之佐故也此并爲歸美於下之辭

武王纘三世之緒孟津之役不期而會者八百國而猶以爲未可遂武功成而率諸侯以告廟天下共曉然於世德之孚則所以上承三后下寧萬國者受命有真不可誣矣錄此詩其以標王命之準靖闇于之念於後世歟

文王有聲八章章五句

文王有聲尊文王武王爲世室百世不祧也

文王有聲通駿有聲通求厥寧通觀厥成文王烝哉

聲聲聞也通發語辭言聲譽聞於天下大而且疾其所以致有聲者必有由矣蓋文王之始志求天下之安寧而其後克觀其成功焉此其所以有聲而當世世不祧也烝進也進爲世室而不祧也

文王受命有此武功既伐于崇作邑于豐文王烝哉  
作邑徙都也豐即崇國之地此言武功當世室也  
築城伊瀉作豐伊西匪棘其欲通追來考王后烝哉

滅城外大溝即護城池也。匹稱棘急來得也。築城伊滅鑿深增高設險以自固也。作豐伊匹度地居民與都邑相稱也。此非文王急爲自植之欲底幾追繼大王王季之志而得盡其孝耳。王后者可以爲王之君。但未有天下而已。亦謂文王也。此言建都當世室也。

王公伊瀉。維豐之垣。四方攸同。王后維翰。王后烝哉。公功濯大垣城也。文王未嘗王也。而王者之功已大。維此豐垣之成也。自是四方來同而爲天下君若有翰翼之者焉。此大同當世室也。以上言文王。

豐水東注。維禹之績。四方攸同。皇王維辟。皇王烝哉。

豐水今出鄆縣東南終南山注流績功也皇王有天下之號謂武王也辟君也此因豐水之東流而言武王循禹績以東征也文王之四方來同但有其勢耳尚未集其事也至武王伐商而四方同遂有天下而莫大惟王爲天下君矣此有天下當世室也以下言武王

鎬京辟廱自西自東自南自北無思不服皇王烝哉

鎬邑名鎬京武王所建天子之都也在豐邑東武王既有天下則豐邑尚循諸侯之制不可以爲都也故必建鎬京而大王制焉辟廱王國學名建王國而首制辟廱以育賢才急先務也辟明廱和也國學立而人倫明天下大和故因以爲名也由是而

推行之四方無不心服此建辟雍當世室也

考卜維王。宅是錫京。維龜正之。武王成之。武王烝哉。

考稽宅居正決也。成成其事也。此宅錫京當世室也。

豐水有芑。武王豈不仕。詒厥孫謀。以燕翼子。武王烝哉。

芑草名。仕事詒遺燕安翼輔也。子成王也。言豐水猶有芑。武王豈無所事乎。遺後嗣無窮之謀以安輔其子。則大業無疆矣。此詒孫謀當世室也。

詩未有以謚王名篇者。至大雅之首什而始以文王終以文王。有聲何也。始以文王。以文王之有其情也。終以文王。有聲有其情者。未有無其聲者也。而周之王業成於文王。又於斯。

益信矣。聖人嘗自言之曰：文王既沒，文不在茲乎？蓋聖人經緯天地之心，尤於文王有深契焉。至十篇之中，於西周有天下之故，往復詳盡，脈絡貫通，亦秩然有序云爾。

文王什十篇六十六章四百一十四句

生民什三之二

生民八章四章章十句四章章八句

生民大禘也。以后稷配上帝而享先妣也。

厥初生民時維姜嫄。生民如何克禋克祀。以弗無子。履帝武敏。句  
歆攸介攸止。載震載夙。載生載育。時維后稷。

民者氏之成人者也。婦人以父母家爲氏。氏繫女子未成乎文

夫也生子則謂之民矣時是也姜嫄名后稷母也言周之先  
本無人溯其初之生民則是姜嫄也因又言姜嫄之生民如何  
特爲發問以表非若尋常之生民也裨精意以祭也祀祀先稷  
也古者女子及笄則父母爲之祀先稷以待字也弗不也不可  
以無子祝女子有家之禱辭也履踐也帝上帝也武足敏拇也  
言姜嫄當祀先稷之後忽若踐上帝之足之拇也歆感也履拇  
而感上帝之聲氣也介助也神物之感有天佑也止容止也見  
於容止不失常也震身動也夙早也謂先期而乳也生始生也  
有撫之而成人也稷官名后稷主稼穡有功故封國成君也詳  
述姜嫄之生后稷異於常人以明享先妣即享上帝禮以義起

不嫌於創也

誕彌厥月。先生如達。不圻不副。無留無害。以赫厥靈。上帝不寧。不康禋祀。居然生子。

誕發語辭有奇異之意。彌滿也。月孕月也。先生先時而生也。達七月蒸也。人必十月乃后稷之彌月。則先人之時而如達也。圻副皆裂也。留害疾痛也。赫顯也。言姜嫄生子一無苦難。以顯上帝之靈也。康樂也。居然儼然也。子男子也。又言使上帝而不寧。不樂享我之禋祀。豈竟儼然得生。后稷之子乎。

誕寘之隘巷。牛羊腓字之。誕寘之平林。會伐平林。誕寘之寒冰。鳥覆翼之。鳥乃去矣。后稷呱矣。實覃實訥。厥聲載路。



臨狹也。腓字以足肚煖附之也。會值也。值人伐木而收之也。覆蓋翼藉也。以一翼覆之一翼藉之也。吟啼聲也。單長訂大戴滿也。無人道而生子以爲不祥。故屢棄之而輒有異兆。遂收養之也。

誕實。匍匐。克岐克嶷。以就口食。蓺之荏菹。荏菹。蓀蓀。木役穰穰。麻麥。幪幪。瓜瓞。嗒嗒。

匍匐。手足並行也。克岐。能半克嶷。能立也。就。向也。口食。自能食也。荏菹。大豆也。蓀蓀。枝葉揚起也。役。列也。穰穰。生意遂而暢也。幪幪。茂密也。嗒嗒。當作華華。多實也。言后稷能食時好以種植爲戲。蓋天縱也。

誕后稷之穠。有相之道。弗厥豐草。種之黃茂。實方實苞。實種實莠。  
實發實秀。實堅實好。實穎實栗。卽有卽家室。

相助也。后稷於精神而明之。有輔相裁成之道也。弗草盛貌。豐  
草茂盛之地。一歲之留田也。種布種也。黃茂嘉穀也。方旁枝多  
也。苞盤根固也。種始生短傑也。稷漸長侈盛也。發暢發也。秀始  
米也。堅科幹堅也好形神好也。穎粟穎銳也。栗米實碩也。卽后  
稷食邑。今陝西乾州武功縣有釐城驛。詳言后稷善於教稼。故  
能有功於民而受封於卽以有家也。

誕降嘉種。維秬維秠。維糜維芑。恒之秬秠。是穫是畝。恒之糜芑。是  
任。是負。以歸肇祀。

降降是種於民也。書曰：稷降播種是也。秬黑黍也。秠黑黍一稂二米者也。稌赤苗。粱，白苗。梁也。恒，徧也。謂徧種之也。任，肩任。負背負也。既成則穫而棲之於畝，任負而歸以供祭祀也。秬，秠言穫畝。康，芑言任負。立文耳。肇，祀稷始受國祀。姜嫄也。

誕我祀如何。或舐或擗。或簸或蹂。釋之粢粢。烝之浮浮。載謀載惟。取蕭祭脂。取羝以軋。載燔載烈。以興嗣歲。

我祀承上章本后稷之祀而言也。舐，舐也。擗，舐也。揄，舐也。精鑿也。簸，揚去糠也。蹂，沃水使柔潤也。釋，浙米也。粢，粢也。烝，粢也。浮，浮氣也。謀，卜曰擇士之類，惟齋戒具備，俱詳慎也。蕭，蒿也。脂，脾膏也。取蕭合脾膏，蒸之，使臭達牆屋也。羝，牡羊也。軋，祭行道之神，即求神。

於門內也燔傳諸火也烈貫而加諸火也興起也嗣歲來歲也  
叩盛于豆于豆于盤其香始升上帝居歆胡臭亶時后稷肇祀庶  
無罪悔以迄于今

印我也木曰豆以盛醴醴反曰登以盛大羹香馨香也香氣上  
升而上帝已居其位若有聲氣而歆享也胡臭亶時言何但芳  
臭之騰誠得其時也迄至也今謂祭時也言此禘祭之禮自后  
稷肇祀以來世世相承幸無罪悔故得至今而備禮以致祭也  
禮曰王者禘其祖之所自出以其祖配之春官司尊彝之追  
享大司樂之享先妣皆謂是也出者但言女子之所生無父  
者也事本異常故或問禘之說而聖人曰不知且曰知其說

者之於天下也。其如示諸斯乎。夫固顯以王者受命之符告。或人與後儒不得其說。或云三年。或云時事紛如聚訟。果有當乎此。什首生民追遠之至。王道之大者。所以爲大雅而不同楚茨諸詩也。

行葦四章章八句

行葦禘畢燕同姓也

敦彼行葦。牛羊勿踐履。方苞方體。維葉泥泥。戚戚兄弟。莫遠具爾。或肆之筵。或授之几。

敦聚貌。行葦葦根行地下交錯盤固也。勿踐履勿爲牧地以傷之也。苞叢生體連結也。泥泥柔澤貌。惟其同根聚生。無有殘賊。

故能盛也。戚戚親之至也。莫猶勿也。爾同。通肆陳也。筵蒲筵几。雕几也。燕必有筵。若几則優尊老也。

肆筵設席。授几有緝御。或獻或酢。洗爵奠斚。醢醢以薦。或燔或炙。嘉穀脾臠。或歌或罵。

設席重席也。緝。續御侍也。有緝御言侍者衆也。奠奠而不舉也。聲畫。椽於爵以爲飾。股爵也。獻酢洗奠皆飲酒之禮也。醢醢之多汁者。臠口上肉也。比琴瑟曰歌。徒擊鼓曰罵。此燕飲也。

敦弓既堅。四鍤既鈞。舍矢既均。序賓以賢。敦弓既弓。既挾四鍤。四鍤如樹。序賓以不侮。

敦。雕通。天子雕弓。鍤。金鍤。翦羽矢也。鈞。鍤與幹參倚適平也。舍。

發也均皆中也。賢中多者爲賢也。句殺通引滿也。射禮措三挾一既挾四鐃四矢畢發也。如樹如手就樹之言貫堅而正也不侮敬也不以中病不中者也。射以中多爲雋以不侮爲德此燕射也。

曹孫維主酒醴維醴酌以大斗以祈黃耆黃耆台背以引以翼壽考維祺以介景福。

曹孫主祭者之稱祭畢而燕故仍稱之也。主主人也。醴厚也大斗加爵也。所以侑飲使不醉無歸也。以祈黃耆猶以介眉壽也。台鮒也。人老則背有鮒文引導翼輔祺吉也。言兄弟俱以大年導輔王室以祈永命而介景福也。此加侑而終以頌禱也。

周道親親而因祭以修同氣連根之意尤爲親切

既醉八章章四句

既醉同姓燕畢祝王也

既醉以酒既飽以德君子萬年介爾景福

德恩惠也君子爾皆謂王也

既醉以酒爾般既將君子萬年介爾昭明

昭明昭其明德也

昭明有融高明令終令終有猷公尸嘉告

融和也睿智所照渾然無迹不以察察爲明也高在上也朗虛明也令終善終也德本虛明但一有所蔽則明於始者鮮克有



終矣故以令終爲規也。俶始也。公尸后稷之尸也。雖祀以天子之禮而不敢追王故但稱公尸也。嘉告以善言告之謂報辭也。言令終於何知之。即今之有始已可卜將來之令終而且以公尸之嘉告實之也。

其告維何。遵豆靜嘉。朋友攸攝攝以威儀。

靜嘉安靜柔嘉薦遵豆者之儀也。朋友指賓客助祭者攝檢束也。言助祭者見王禮儀之備亦無不各攝於威儀也。自此以下皆述尸告之辭。

威儀孔時。君子有孝子。孝子不匭永錫爾類。

孔時猶云聖之時也。孝子謂王世子也。禮祭祀之終有嗣舉與

不遺世世相承無已也類猶肖也永錫爾類世世有賢嗣以克家也

其類維何室家之壺君子萬年永錫祚胤

壺同梱北堂也所以辨外內者言孝子克家由於正家也祚歲數也胤子孫也能正家則福祚傳於無窮也

其胤維何天被爾祿君子萬年景命有僕

被覆僕附也言天覆以祿則明命常相附也

其僕維何釐爾女士釐爾女士從以孫子

釐予也女士女之有士行者謂生淑女爲內助也從隨也娶女士則生賢子孫矣

此與假樂因頌爲規義與小雅天保大略相似但此由大祭  
之後故登大雅

鳧鷖五章章六句

鳧鷖繹賓尸也

鳧鷖在涇。公尸來燕來寧。爾酒既清。爾殽既馨。公尸燕飲。福祿來  
成。

鳧水鳥如鴨者。鷖鷖自歌工而謂王也。馨香之遠聞也。

鳧鷖在沙。公尸來燕來宜。爾酒既多。爾殽既嘉。公尸燕飲。福祿來  
爲。

爲猶助也

兔鷕在渚。公尸來燕來處。爾酒既清。爾殽伊脯。公尸燕飲。福祿來下。

清酒之沛者。既有折俎之醑。又有脯醢。故變文言伊也。兔鷕在渚。公尸來燕來宗。既燕于宗。福祿攸降。公尸燕飲。福祿來崇。

深水會也。來宗尸有神道而尊也。宗始祖之廟。羣宮之所宗也。崇積而高也。

兔鷕在臚。公尸來止熏熏。旨酒欣欣。燔炙芬芬。公尸燕飲。無有後艱。

臚水流峽中。兩岸如門也。熏熏和說也。欣欣樂也。芬芬香也。無

有後艱則福祿無窮矣

祭畢尸不與燕繹而賓之尊之不敢儕於眾兄弟敬神之意也故詩亦止爲頌禱之辭不敢褻也

假樂四章章六句

假樂公尸因繹祝王也

假樂君子顯顯令德宜民宜人受祿于天保佑命之自天申之

假同嘉君子謂王也顯顯德之著也民同姓也人有爵位者也申重也

千祿百福子孫千億穆穆皇皇宜君宜王不愆不忘率由舊章子孫千億即福也穆穆敬也皇皇尊也君大君也有尊敬之儀

斯稱其位也。愆過也。舊章先王之制也。

威儀抑抑。德音秩秩。無怨無惡。率由羣匹。受福無疆。四方之綱。匹類也。羣匹。眾賢同類者也。言有威儀聲譽之美。故能無怨惡於人。而推其本則又在不自用而惟賢是從也。如是則受福無疆而四方以爲綱矣。

之綱之紀。燕及朋友。百辟卿士。媚于天子。不解于位。民之攸暨。燕安也。朋友異姓。爲賓者。百辟諸侯卿士王官也。言王能正其大綱則凡小紀之在於同異姓諸侯卿大夫者無不安其位而思媚於天子也。解。同懈怠也。位。天位也。民即宜民之民。絜盡也。仰也。王其不懈乎位乎同姓之民。固無不仰望於王也。終之以

規也

行葦以下四詩皆因生民而及與文王之什皆周有天下之  
大典也凡爲大雅十五篇數與小雅鹿鳴同

公劉六章章十句

公劉召康公戒成王也

篤公劉匪居匪康迺場迺疆迺積迺倉迺裹餼糧于橐于囊思輯  
用光弓矢斯張干戈戚揚爰方啟行

篤厚也言其德之厚也公劉后稷之後劉其字也匪居不懷土  
也匪康不自逸也積露積也裹包也餼食糧糗也橐囊袋也輯  
和緩斧揚鉞方始也言公劉思慮既和輯故動用有光輝餼糧

既富武備俱全始謀啟行而遷都慎重之至也

萬公劉于胥斯原既底既繁既順迺宣而無永歎陟則在嶠復降在原何以舟之維王及瑤鞞琫容乃

原豳地之原也啟行至豳原遂相率而定居也底繁人底而居繁也順宣順地勢而布散之也無永歎得其所也嶠山頂也舟帶容飾也以鞞與琫飾刀也言公劉陟降嶠原以相去而劍佩俱有儀也

萬公劉逝彼百泉瞻彼溥原迺陟南岡乃覲于京京師之野于時處處于時廬旅于時言言于時語語

百泉在涇州有泉百餘大旱不竭逝徧閱之也溥大也自溥原



而南升其岡而後見大丘之可爲邑居也遂因其大而使眾人耕於其野於是築邑以處居民又爲廬於野以安旅人而言語以謀議不自專也

爲公劉于京斯依。蹢蹢濟濟。俾廷俾几。既登乃依。乃造其勳。執豕于牢。酌之用匏。食之飲之。君之宗之。

依倚也。倚京以爲治也。蹢蹢濟濟有威儀貌。俾使也。使人爲廷。几以行禮也。肇登延依依几也。造進也。曹羣也。謂同輩之人進以親之也。牢。閑也。以豕爲饌用匏爲爵儉以質也。宗尊也。主也。同姓尊以爲主也。公劉立國之初雖飲食儉約而禮儀詳備故人樂君宗之也。

爲公劉。既溥既長。既景迺岡。相其陰陽。觀其流泉。其軍三單。度其隰原。徹田爲糧。度其夕陽。幽居允荒。

溥長從衡壅辟也。景以日景正四方也。岡登岡也。陰陽向背寒暖之宜。流泉水泉灌溉之利也。萬二千五百人爲軍。三單一車甲士三人。所以乘車出戰制步伐者也。隰下原高度之者。因地勢爲萬夫之田也。徹田爲糧。使萬夫共耕公田。卽歲取十千也。山西曰夕陽。荒大也。又度夕陽爲田。而幽居益大也。

爲公劉于幽斯館。涉渭爲亂。取厲取鋹。止基迺理。爰取爰有。夾其皇澗。邇其過澗。止旅迺密。芮鞠之卽。

館客舍也。亂截流橫渡也。厲砥鍬鐵止居。基定也。理疆理也。取

人多有地廣也遡嚮也舉過三澗名內水內鞠水外其水即涇  
渭也此總叙終始而言其始未定居之時涉渭取材既定其居  
適理其野人日益取地日益闢於是夾皇澗遡過澗至於即內  
鞠而西地允荒也

公劉上承后稷下啟大王固周未有天下之先之中樞也故  
小雅既存楚茨四詩而此又因康公之戒繼大雅而錄之蓋  
詩雖由成王蒞政而作而公劉之規模宏遠實王政之始基  
故詩篇次於十六既居三十一篇之中而公劉名篇又與文  
王名篇同義但公劉以無諡而舉字耳

洞酌三章章五句一

洞酌亦名康公戒成王也

洞酌彼行潦。挹彼注兹。可以餽餼。豈弟君子。民之父母。

洞。遠挹取。注。盛也。餽。烝米一熟而以水沃再烝也。餼。酒食也。所以供賓祭者。行潦至微而挹注可供大用。喻立賢無方不可以道之遠人之微而忽之。始可爲民父母也。君子謂王也。

洞酌彼行潦。挹彼注兹。可以濯盥。豈弟君子。民之攸歸。

洞酌彼行潦。挹彼注兹。可以濯漑。豈弟君子。民之攸塋。

濯盥濯漑。喻滌汚以日新也。

上篇法祖。此篇求賢。守成無爲之要道也。

卷阿十章。六章。章五句。四章。章六句。

卷阿亦召康公戒成王也

有卷者阿。飄風自南。豈弟君子。來游來歌。以矢其音。

卷曲也。阿大陵也。君子謂王也。矢陳也。音歌詩之音也。言因王之游歌而陳新音以賡歌也。

伴渙爾游矣。優游爾休矣。豈弟君子。俾爾彌爾性。似先公酋矣。伴與優游皆閒暇之意。爾亦謂王也。彌猶盡也。性即理也。似肖也。先公文王以上也。酋久也。歷年永久也。

爾土宇畎章。亦孔之厚矣。豈弟君子。俾爾彌爾性。百神爾主矣。畎章大明也。土宇畎章周知地域廣輪之數也。百神以爲主則性不可不盡也。

爾受命長矣。弗祿爾康矣。豈弟君子。俾爾彌爾性。純嘏爾常矣。  
弗盛也。純無間斷也。嘏大也。常不變也。以上三章責王盡性也。  
有馮有翼。有孝有德。以引以翼。豈弟君子。四方爲則。

馮。依翼輔也。孝言其本德。言其全四者皆賢之能引翼乎人者。  
也。故願王以之。則四方以爲則也。此責王求賢也。蓋欲自修者。  
必用賢以自輔也。

顯顯印印。如圭如璋。令聞令望。豈弟君子。四方爲綱。

顯顯印印。尊嚴也。如圭如璋。純潔也。令聞令望。名譽威儀著於  
天下也。蓋既能修身。又能用賢。乃皇極建而天下歸也。

鳳凰于飛。翯翯其羽。亦集爰止。藹藹王多吉士。維君子使。媚于天。

子

鳳凰靈鳥也。雄曰鳳，雌曰凰。來見爲天下文明之象。翩翩飛聲也。言鳳凰之飛翩翩，由其羽之衆多，輔翼之故。飛既有聲而集亦得其所止，以喻文明之君必求多賢以自輔也。鵲鵲多貌，吉善也。言賢才衆多，惟王善用之，則無不上而盡其事。君之誠也。鳳凰于飛，翻翻其羽。亦傳于天。鵲鵲王多吉人。維君子命，媚于庶人。

傳于天，順天而動，喻王與天同德也。媚于庶人，下順於民也。鳳凰鳴矣，于彼高岡。梧桐生矣，于彼朝陽。萋萋萋萋，離離嗃嗃。梧桐材中琴瑟，山東曰朝陽，萋萋萋萋之盛也。離離嗃嗃，鳴

之和也。鳴鳶岡則聞遠生朝陽則材美以美材致遠聞乃可以成太平之盛也。

君子之車既庶且多。君子之馬既閑且馳。矢詩不多。維以遂歌。閑習也。遂直遂也。車馬衆多而閑習足以待天下之賢也。而不言車服以庸欲王自得於言外。尤以求賢爲急也。不多遂歌者言詩無他說。惟以直遂所歌之意望王法祖求賢而已。

似先公即公劉之意多言士。即洞酌之意。而此詩以誦爲規。尤極反覆詳盡之致。蓋以召公歷相文武成康爲西周開創守成莫二之元老。故備錄三詩於大雅之後。以彰其相業之隆。而召公更末章又不勝有如召公之慨也。



民勞五章章十句

民勞召穆公諫厲王也

民亦勞止。汜可小康。惠此中國。以綏四方。無縱詭隨。以謹無良。式遏寇虐。憯不畏明。未遠能邁。以定我王。

汜幾也。中國。京師。四方。諸侯也。京師者。諸侯之極也。詭。隨。不顧是非而朋比者也。說隨者。無良之始事也。不縱之。則無良者知謹矣。邁。止也。寇虐。亂暴虐之人也。憯。憂也。明明。威也。寇虐之人。不畏明威。尤宜遏絕。之。不可不憂也。未安也。能順習也。不可斥。王故託言定王者也。王定則天下平矣。

民亦勞止。汜可小休。惠此中國。以爲民逌。無縱詭隨。以謹悻悻。式

遇寇虐無俾作惡。敬慎威儀以近有德。

民亦勞止。汙可小憫。惠此中國。俾民憂泄。無縱詭隨。以謹醜厲。式遏寇虐。無俾正眚。戎雖小子。而式弘大。

惴息泄去。厲惡也正眚。正道敗壞也。戎汝也。言汝雖小子。而人以爲式所繫甚大也。

民亦勞止。汙可小安。惠此中國。國無有殘。無縱詭隨。以謹縫紼。式遏寇虐。無俾正反。王欲玉如。是用大諫。

縫紼。小人之固結其君者也。正反。反於正也。玉寶愛之意。欲玉女而用大諫。借王之所愛以傲王也。

爲治之道。待良善以寬。糾纒惡以猛。然後能平天下以和也。

詭隨無良其謂榮夷公之徒歟蓋寇虐不過則不至流燕未  
已也此詩諫正雖詳盡而辭尚寬緩豈猶厲王初立天下未  
至大壞歟

板八章章八句

板凡伯諫厲王也

上帝板板。下民卒瘁。出話不然。爲猶不遠。靡聖管管。不實於龜。猶  
之未遠。是用大諫。

板木之析而散者上帝板板言天心好亂故天下大勢崩解如  
大木析而爲板片片分散也卒瘁瘁病也不然不是也聖通明  
也管管見小也言不是謀不遠見不明意不誠則民豈有不病

者乎而要之謀以出治故又因未達而作詩以大諫也  
天之方難。無然憲憲。天之方蹙。無然泄泄。辭之輯矣。民之洽矣。辭  
之懌矣。民之莫矣。

憲憲以不善示人爲法也。蹙疾動而有顛覆之患也。泄泄舒緩  
羣。勝貌。輯和洽。合懌悅莫定也。輯懌則詒然矣。洽莫則民不瘁  
矣。

我雖異事。及爾同僚。我即爾謀。聽我芻蕘。我言維服。勿以爲笑。先  
民有言。詢于芻蕘。

異事不同職也。同僚同官也。喻君臣雖異位而同體也。即就也。  
芻蕘自是不受言貌。服用也。言皆可用也。先民古賢人也。芻蕘

采薪者也。雖至愚之人而言有可用。極言其言之不可忽也。  
天之方虐。無然謔謔。老夫灌灌。小子踴踴。匪我言耄。爾用憂譖。多  
將煢煢。不可救藥。

諱戲玩也。老夫詩人。自稱灌灌。盡誠相告。如水之灌漑也。踴踴  
憊蹇不信也。耄老而昏也。用憂譖以憂爲戲也。煢煢熾盛也。戲  
謔甚則如火之盛。不可救治也。

天之方憊。無爲乎。威儀卒迷。善人載尸。民之方殿屎。則莫我敢  
侮。喪亂蔑資。曾莫惠我師。

憊怒夸大毗附也。夸雖大而不實。毗雖毗而多私。故於威儀多  
迷惑而善人亦尸位而旁觀也。殿屎說文作噉。呻吟病甚聲。

也。葵藿衛本民。既病甚。則無敢保其戴上也。幾無資藉也。惠加  
惠也。師即空我師之師。言喪亂將至。無所藉以禦之。惟有加惠。  
我師則任官。惟賢。庶幾善人不至載尸而喪。亂可已也。

天之牖民。如燠如篪。如璋如圭。如取如攜。攜無曰益。牖民孔易。民  
之多辟。無自立辟。

牖。開導也。言天之導民。如燠。篪之唱而必和。如圭璋之判而必  
合。如取物之惟手所持。民之所欲。天必從之也。然即以攜物論。  
勿曰我能攜之。即皆有益也。蓋取於正則益。取於邪則損。上之  
導民。其易亦與天無二也。今民既多邪辟矣。而尚可立辟以導  
之耶。

三  
言  
二  
三  
九  
价人維藩。大師維垣。大邦維屏。大宗維翰。懷德維寧。宗子維城。無  
俾城壞。無獨斯畏。

价大也。大德之人也。藩籬也。大師六軍也。垣牆也。大邦牧伯也。  
屏蔽也。大宗強族也。翰翼也。懷德維寧。修德則國安也。宗子同  
宗之子姓也。獨獨夫也。至戚畔則爲獨夫。是可畏也。

敬天之怒。無敢戲豫。敬天之渝。無敢馳驅。昊天曰明。及爾出王。昊  
天曰旦。及爾游衍。

渝變也。王往通出王出而有所往也。旦日始出而天清明也。衍  
寬也。及爾者言無不照見也。終之以敬天探本也。

此篇文義視上篇爲較切。蓋已有流彗之機矣。

生民什十篇六十一章四百三十三句

蕩什三之三

蕩八章章八句

蕩召穆公傷厲王將亡也

蕩蕩上帝下民之辟。疾威上帝其命多辟。天生烝民其命匪諶。靡不有初。鮮克有終。

蕩放蕩也。蕩蕩法度廢壞貌。辟君也。言上帝爲下民之君而奈何其蕩蕩然也。惟其蕩蕩故疾威而多辟矣。此以上帝喻厲王之暴也多辟之命。號令之命也。匪諶之命存亡之命也。烝衆謀信也。匪諶言不可責命於天也。鮮克有終將有流亡之禍也。



文王曰咨咨女殷商。曾是彊禦。曾是掎克。曾是在位。曾是在服。天降禍德。女興是力。

上以上帝喻此以下又設爲文王之言而終之以殷鑒亦猶前二篇玉女同僚之意不可斥王故也。殷商紂也。彊禦以強力禦人暴虐之臣也。掎克以衰敗勝任聚斂之臣也。服事悞慢興起也。力力行也。言雖天降此敗德之人亦由女興此人而用之耳。文王曰咨咨女殷商而兼義類。彊禦多懟。流言以對。寇攘式內。侯作侯視。靡屆靡究。

而亦女也。義善懟怨也。流言浮浪不根之言也。寇譬據奪作興。祝呪也。言女常用善類而乃任此暴虐多怨之人。惟用流言以

對使爲寇讎於內乎宜其與謗之無窮也

文王曰咨咨女殷商。女無恤于中國。敎怨以爲德。不明爾德。時無背無側。爾德不明。以無陪無卿。

無恤氣健貌。敎怨以爲德。多爲可怨之事。而反自以爲德也。背後側旁陪貳也。言前後左右公卿之臣皆不稱其官如無人也。文王曰咨咨女殷商。天不湏爾以酒。不義從式。既愆爾止。靡明靡晦。式號式呼。俾晝作夜。

酒飲酒變色也。天不湏以酒而爾湏酒於酒。是自作孽也。式用也。牛容止也。

文王曰咨咨女殷商。如蜩如螗。如沸如羹。小大近喪。人尚乎由行。

內異于中國。單及鬼加。

烟塘皆蟬也。如蟬鳴如沸。莫肯臥意也。尚尊尚也。小大之國皆近喪矣。而人所由行。顧尊尚其道而不止也。異怒也。鬼方遠國也。言天下無不怨怒也。

文王曰咨。咨女殷商。匪上帝不時。殷不用舊。雖無老成人。尚有典刑。曾是莫聽。大命以傾。

不時時不暑也。或疑天下思亂乃上帝之不時而不知非也。由不用舊而然耳。老成人舊臣也。典刑舊法也。即云無人而法未嘗無也。何莫肯聽用而自傾其大命乎。

文王曰咨。咨女殷商。人亦有言。顛沛之揭。枝葉未有害。本實先撥。

版鑿不遠在夏后之世

顛倒沛拔揭起撥絕也言樹之倒拔而起者雖枝葉未害而其根已絕必不能生也鑿鏡也夏后桀也蘇氏曰商周之衰典刑未廢諸侯未畔而其君先爲不義以自絕於天莫可救止也

此詩作而厲王流荒案小雅僅詳幽王之荒而不及厲幽之昏得於厲重亡國之戒也太雅錄民勞板蕩三詩厲之暴先於幽著基亂之階也

抑十二章三章章八句九章章十句

抑衛武公訓宣王也

抑抑威儀維德之隅人亦有言靡哲不愚庶人之愚亦職維疾哲

人之愚亦維斯戾。

隅廉角也。猶坊也。閑也。威儀爲德。隅德虛而威儀著也。哲智也。靡哲不愚者。予智自用。即末有不愚者也。底人庸衆也。職主疾病也。哲人居天位者也。戾即亦是戾矣之戾。言底人之愚。僅主於一己之病。若居天位而自用其愚。其禍有不可勝言也。

無競維人。四方其訓之。有覺德行。四國順之。訂謨定命。遠猶辰告。敬慎威儀。維民之則。

競強也。無競即下文柔嘉輯柔溫恭之謂人。即哲人也。覺直大也。無競維人而四方訓之。是訓也。有覺德行而四國順之。是行也。訂大謨議定審命令猶謀辰時告誥也大議。

以審令則令乃可行而不反汗也。遠謀乃時誥則誥無過言而不至回適也。而其要尤在威儀之敬慎以爲民則益訓順訂遠之用必本乎敬以爲主也。

其在于今。興迷亂于政。顛覆厥德。荒湛于酒。女雖湛樂從。弗念厥紹。罔敷求先王。克共明刑。

今指當時言意則謂厲王也。興尚也。女與咨女殷商之女同。雖武公自謂實爲宣王言也。從從厲王也。紹繼也。所繼之緒則文王武王之業也。言雖欲從乎湛樂。獨不念紹業之艱難乎。罔猶非也。敷求先王。廣求先王之所行也。共蔡刑法也。苟非廣求先王之所行。又何能蔡行明法也。

肆皇天弗尚。如彼泉流。無淪胥以亡。夙興夜寐。洒掃庭內。維民之章。修爾車馬。弓矢戎兵。用戒戎作。用遏蠻加。

弗尚。厭棄之也。從湛樂而不求先王。乃天所弗尚也。泉流。流之不已者也。淪胥。以亡是相繼而亡也。天既弗尚。則不特厲王流殛。而今王又將以亡繼之。不可不戒也。夙興夜寐。宵衣旰食也。洒掃庭內。勵精圖治也。章。著明也。夫如是。則民始衆。著於王之。不堪樂從也。戎。兵戈戰之屬。戎寇作起也。遏。同惕。蠻。方荆楚也。又修武備。以戒不虞。庶可使荆楚畏威。而知惕也。荆蠻先叛。後服。最爲強梗。故特及之。

質爾人民。謹爾侯度。用戒不虞。慎爾出詒。敬爾威儀。無不柔嘉。白。

圭之玷尚可磨也斯言之玷不可爲也

質卽民之質矣之質質爾人民猶云作周乎先勿以虛僞導之也侯度諸侯所守之法度卽王章也柔順嘉美也能慎敬則柔嘉矣玷缺也末四句極言出話之不可不慎也蓋敬儀固修己之本而慎話乃出治之要故下章又詳告之

無易由言無曰苟矣莫捫朕舌言不可逝矣無言不讎無德不報惠于朋友庶民小子子孫繩繩萬民靡不承

捫持朕我逝去讎答也人之所以易於言以其可以苟也其所以苟者以己卽不自持其舌而亦不妨於逝也而豈知所逝之言其善惡無有不答報者柔惟戒懼以慎之則所行自無不順



固將使子孫可以繩武而萬民亦無不承命耳

視爾友君子輯柔爾顏不遐有愆相在爾室尚不愧于屋漏無曰不顯莫予云觀神之格思不可度思矧可射思

君子成德之人友之所以尊德而成己也言人皆視爾友君子而欲君子之爲我友可不和柔爾之顏色乎不遐有愆者人之有過不在於遠也爾室至近而有愧於屋漏即愆也屋漏室西北隅也格至度測矧況射厭也言暗室猶有神不可不戒慎於不覩以免愆也

辟爾爲德俾臧俾嘉淑慎爾止不愆于儀不僭不賊鮮不爲則投我以桃報之以李彼童而角實虹小子

辟明也止容止也備差賊害也上章言愆之易有故此又言明德淑止則可以不愆而人以爲則也桃大李小人有投我以桃我即不能厚報之亦當報之以李禮無施而不報也虹同訐陷也欺也若不以童幼自牧而以崇高自肆則必至有投不報是猶童穉之獸而誇有頭角必無之理也苟爲有之不亦欺陷小子乎

往染柔木言緡之絲溫溫蔡人維德之基其維哲人告之話言順德之行其維愚人覆謂我僭民各有心

柔木中琴瑟緡之絲言合樂而和喻德貴柔下亦承童角而反覆言之也故即以蔡人德基明之覆反也哲者告之而順聽愚

者則反以告者爲羞是民各有心其愚智相去甚遠矣

於乎小子未知臧否匪手攜之言示之事匪面命之言提其耳借曰未知亦既抱子民之靡盬誰夙知而莫成

否不臧也非徒手攜而又示以事非徒面命而又提其耳則所以教使知臧否者至矣抱子則當有知矣然知亦非無自也惟不自盈滿則庶可知之早而不至於無成乎莫無也

昊天孔昭我生靡樂視爾夢夢我心慘慘誨爾諄諄聽我藐藐匪用爲教覆用爲虐借曰未知亦幸既耄

孔昭福善禍淫不爽也生靡樂遭厲王之亂無可樂之事也夢夢昏也慘慘憂也諄諄詳熟也藐藐忽略也誨之諄諄而反以

爲虐則真無知矣亦豈既老而昏故可妄於無知耶深傲之也  
於乎小子告爾舊止聽用我謀庶無大悔天方艱難曰喪厥國取  
譬不遠昊天不弔回適其德俾民大棘

舊舊章也末六句即厲王流彘爲戒也故曰不遠

往復詳盡儼然師傅之嚴蓋宣王初立衛武攝政之誨也若  
僅主自儆則於大雅又何與

桑柔十六章八章章八句八章章六句

桑柔芮伯惕宣王也

苑彼桑柔其下侯甸將采其劉瘼此下民不殄心憂倉兄填兮俾  
彼昊天寧不我矜

桑柔柔桑也苞桑可繫以爲固若穉桑則雖盛而繫不固故以爲喻下下其葉也即將采也句偏也劉暴樂也一作爆樂言驟落其葉不少留遺也桑既柔而取之悉則病甚矣殄絕也倉兄與愴怳同憂貌填滿胃也厲王暴虐民罹其病則國危之憂填胃而不能已也俾明貌矜憐也蓋亦以天喻王也

四牡騤騤旗旐有翩亂生不夷靡國不泯民靡有黎具禍以燼於乎有哀國步斯頻

牡騤旐旐征役不息即六月采芑之詩可見也夷平也泯猶亂也黎力田也燼灰燼也俱隨禍以燼滅猶云靡有遺也步運也頻急遽也言大亂之後可危之至也

國步幾殆。天不我將。靡所止疑。云徂何往。君子實維。秉心無競。誰生厲階。至今爲梗。

國步幾資。猶喪亂幾資也。將助也。疑如疑立之疑。能止者也。徂行也。國危而天不助。故止不能定行。無可往也。君子謂宣王也。維思也。無競即無競。維人之無競也。君子思之則當以無競存心也。厲危階梯也。梗不順也。誰生厲階。至今爲梗。夫非厲王心競之所致乎。欲宣王鑒覆轍也。

憂心慙慙。念我土宇。我生不辰。遘天俾恣。自西徂東。靡所定處。多我覯瘠。孔棘我圍。

俾厚瘠病困垂也。即謂土宇也。言寇患頻仍。故自西徂東。畿內

無可定處危之至也

爲謀爲政。亂況斯削。告爾憂恤。誨爾序爵。誰能執熱。逝不以濯。其何能淑。載胥及溺。

涉慎也。况同。况消除也。承上言疆圉既急。惟好謀而加之以慎。則亂之可憂者。斯能以次消除也。誨序爵。以德詔爵也。此因憂而告以削亂之本也。執熱。手執熱物也。濯濯。手於寒水也。又言誰能執熱而不以濯乎。如不以濯。其能淑乎。有必至相率而同歸於陷溺者矣。極言爵之不可不序也。

如彼遘風。亦孔之僂。民有肅心。邦云不逮。好是稼穡。力民代食。稼穡維寬。代食維好。

邇鄉僂嗚肅進莽使也又承上追言厲王暴虐不知序爵遂使  
賢人隱遯也蘓氏曰君子視厲王之亂悶然如邇風之人嗚而  
不能息雖有欲進之心皆使之曰世亂矣非吾所能及也於是  
退而稼穡盡其筋力與民同事以代祿食而已當是時仕進之  
憂甚於稼穡之勞故曰稼穡維寶代食維好言雖勞而無患也  
天降喪亂滅我立王降此蟲賊稼穡卒穉哀憫中國具贅卒靡  
有旅加以念穹蒼

滅我立王厲王流於彘也蟲賊蓋謂榮夷公之屬專利以病民  
也贅危如贅也荒廢壞也旅衆也穹蒼天也穹言其形蒼言其  
色王流則無丰穡病則無食夫如是則中國贅荒不可爲矣況



又無衆力相助以念天禍乎言宣王於亂後孤立可危之至也  
維此惠君民人所瞻秉心宣猶考慎其相維彼不順自獨俾臧自  
有肺腸俾民卒狂。

惠順也順於義理也秉心以宣猶則心存而所謀多善矣考成  
也相輔弼之臣也慎相而責成之不自用也自獨俾臧自用獨  
斷而欲使天下皆善也則必拂人之性而使民狂惑矣

瞻彼中林。姓姓其鹿。朋友已譖。不胥以穀。人亦有言。進退維谷。

姓姓求友貌不可斥王故曰朋友猶我友也譖同僭差也穀善  
谷窮也鹿猶求友而人乃日趨於僭而不知相助以善是鹿之  
不若也夫如是則所用非賢必如人言進退皆窮矣

維此聖人。瞻言百里。維彼愚人。覆狂以喜。匪言不能。胡斯畏忌。  
聖人通明之賢者也。瞻言百里。則望之不可見。是遠賢而不用。  
也。覆狂以喜。見反聖之人。則爲之惑而喜也。匪言不能。言非力  
不能用。賢也。既非不能。則又何所畏忌。遠之於百里。而不用乎。  
不可解也。

維此良人。弗求弗迪。維彼惡心。是顧是復。民之貪亂。寧爲荼毒。  
迪進也。惡殘忍也。聖人。即良人也。瞻言百里。則弗求弗迪矣。惡  
人。即惡人也。覆狂以喜。則是顧是復矣。民心不靖。既已貪亂。而  
王又棄賢。即姦豈亦好亂而爲此荼毒乎。言必不可也。  
大風有隧。有空大谷。維此良人。作爲式穀。維彼不順。征以中垢。

此又承上二章而端所以能用人之本也。風以化下，隧道也大風之行，有道多生空谷之中，蓋致治必本於虛中，而後可辨善惡，以爲風之自也。良人作爲式穀風之所以善也。若不順而行之以中垢，豈風行之道哉？中既垢，則行之於外，必不善矣。

大風有隧，貪人敗類。聽言則對，誦言如醉。匪用其良，覆俾我悵。

此又承上章而究言之也。不順者之中垢，尚不可行，況於貪人有不至敗類者乎？乃聽我之言，則亦姑爲順應，至誦言其義，遂如醉者之無知，即所用之不良，反使我悵亂而不解也。

嗟爾朋友，予豈不知而作。如彼飛蟲，時亦弋獲。既之陰如，反予來

結。

嗟爾朋友提撕以致告也不知而作不知其理而妄作也飛鳥也時弋獲申明作者之非不知也陰同陰赫盛怒貌言我之誨王無非爲王陰庇之計而王反因之怒我則豈我忠告之意哉

民之罔極。職涼善背。爲民不利。如云不克。民之回遘。職競用加。職丰涼薄也。言民心無常。固主於薄而易背其上者也。如上又爲民所不利之事。施之於民而恐不勝。則民之邪僻亦必日甚而益用力於涼背矣。以下二章終以民情惕之也。

民之未戾。職盜爲寇。涼曰不可。覆背善詈。雖曰匪予。既作爾歌。戾。定也。盜。小寇。大民心未定而無以安之。則始雖主於爲盜。漸

且盛而爲寇矣曰不可以爲不善也。詈即怨女詈女之詈上惡民之涼德而以爲不善而豈知覆背善詈且益甚乎言可畏之至也。匪同非訾也。王雖以我爲非而我已爲王作歌義不得不納誨也。

上篇諄諄於敬慎溫恭以自修爲本也。此則敷陳時事反覆開導大要在鑒厲王之失。慎用人之理。以爲出治安民之道。二篇相次其猶大傅在前少傅在後之遺意歟。

雲漢八章章十句

雲漢仍叔因旱敝宣王也

俾彼雲漢昭回于天。王曰於乎何辜今之人。天降喪亂饑饉薦臻。

靡神不舉。靡愛斯牲。圭璧既卒。寧奠我躬。

昭光回轉也。靡神不舉。國有凶荒。索鬼神而祭也。圭璧禮神之至也。大祀用玉帛。牲牷次祀用牲幣。小祀用牲。

旱既大甚。蘊隆蟲蟲。不殄禋祀。自郊徂宮。上下奠瘞。靡神不宗。后稷不克。上帝不臨。耗斁下土。寧丁我躬。

蘊。畜隆盛也。蟲蟲。熱氣也。郊祀上帝也。宮。享宗廟也。上祭天下祭地。與其禮瘞其物。宗尊克勝也。言后稷欲救旱而亦不能也。臨。享數。敗丁。當也。寧。當我身而有是災。自怨之辭也。

旱既大甚。則不可推。兢兢業業。如霆如雷。周餘黎民。靡有孑遺。昊天上帝。則不我遺。胡不相畏。先祖于摧。

推去也兢兢業業慎之至也如霆如雷畏之至也才無右臂貌  
遺餘也周民彫耗將盡是天意不留遺餘也摧殘也天不念周  
而降之以早無可奈何也若先祖豈不畏不祀而亦爲之摧敗  
也乎於先祖則加慕望之至情也

早既大甚則不可止赫赫炎炎云我無所大命近止靡瞻靡顧羣  
公先正則不我助父母先祖胡寧忍予

沮止也赫赫炎炎早熱氣也無所無所容也大命近止有危亡  
之禍也羣公先正謂百辟卿士之有益於民者皆寧也羣公先  
正但言不我助疎也父母先祖則盡怨慕之誠焉

早既大甚滌滌山川早魃爲虐如惓如楚我心憚若憂心如熏羣

公先正。則不我聞。昊天上帝。寧俾我遯。

條條言山無木。川無水。如條而除之也。魃旱神也。悽燎熏灼也。遯。逃避也。言豈使我有可逃避也。

旱既大甚。黽勉畏去。胡寧殛我以旱。惜不知其故。祈年孔夙。方社不莫。昊天上帝。則不我虞。敬恭明神。宜無悔怒。

畏去。不敢去也。殛。病也。惜。不知故憂之而不得。所以致旱之故也。祈年。冬春祈穀之祭也。方。祭四方社祭土神也。虞。度。悔。恨也。皆求其故而不得也。

旱既大甚。散無友紀。鞠哉庶正。疚哉冢宰。趣馬師氏。膳夫左靡。人不周。無不能止。瞻卬昊天。云如何里。



友當作有人心憂旱故事多散亂而無紀也鞠窮也底正眾官之長也冢宰又眾長之長也趣馬師氏膳夫左右皆近王之要職也周徧也止容止也無不能止言俱稱職也叩同叩里居也去固不可而居又不得故曰云如何里

瞻叩昊天有嘒其星大夫君子昭假無羸大命近止無棄爾成何求爲我以戾庶正瞻叩昊天曷惠其寧

噤同時久旱望雨而瞻然星明未有雨徵也昭明假格羸餘也言大夫君子竭精誠以格天其力已無餘也然大命危急尤不可以棄其成功將何所求而能爲我定庶正乎蓋庶正定則紀不散而命亦永也寧安也天惠以雨則人安也曷惠其寧望之

切而不敢必也

因旱致儆則災危有徵所以動心忍性增益所不能大臣格君心之要術也讀抑與桑柔雲漢而後知宣王所由中興師臣輔弼之用大矣

崧高八章章八句

崧高尹吉甫美宣王爲元舅建國也

崧高維嶽駿及于天維嶽降神生甫及申維申及甫維周之翰四國于蕃四方于宣

山大而高曰崧嶽四嶽也申伯本唐虞四嶽之後故推本於神明也駿高大也降神山神特降靈爽也甫甫侯蓋申伯同姓所

宗也申申伯也。翰翼蕃蔽宣布也。四方于宣布王德於四方也。疊疊申伯王績之事于邑于謝。南國是式。王命名伯。定申伯之宅。登是南邦世執其功。

績繼也。邑國都也。謝申之因國也。申爲四嶽之後。故王使繼其事。封之謝邑爲南方之伯。而南國皆以爲式也。召伯召穆公虎也。定宅爲之營城。建國也。登成也。世執其功。使申伯之後得以世守其功也。

王命申伯。式是南邦。因是謝人。以作爾庸。王命名伯。徹申伯土田。王命傅御。遷其私人。

庸民功也。因謝人以作庸。則南方畏服也。傅同附近也。傅御王

之近御也。私人家人也。申伯爲王元舅，故使傅御遷其家人也。申伯之功，召伯是營。有倣其城，寢廟既成。既成藐藐，王錫申伯。四牡騤騤，鈎膺濯濯。

功建國之功也。倣始作也。寢路寢也。廟路寢室之總名也。藐藐深貌。騤騤壯貌。濯濯光明貌。

王遣申伯，路車乘馬。我圖爾居，莫如南土。錫爾介圭，以作爾寶。往近王舅，南土是保。

遣策命而遣之也。介圭，封圭也。寶猶瑞也。近，近字之訛。讀如記語辭猶已也。是時荆蠻強梗，故宣王特封申伯於謝，以重蕃屏而遂祝頌之也。

申伯信邁。王餞于郾。申伯還南。謝于誠歸。王命召伯。徹申伯土疆。以峙其糧。式邁其行。

郾。今鳳翔府郾縣。還南。自京師南行。遂還其國也。既云信邁。又云誠歸。欲行而王數留之。至餞郾而始決也。峙。積糧。糧也。召伯之營謝也。既已徹田峙糧。使廬市有止宿委積。故申伯無留行也。

申伯番番。既入于謝。徒御嘽嘽。周邦咸喜。戎有良翰。不顯申伯。王之元舅。文武是憲。

番番。武勇貌。徒御。王后之徒御。送申伯入謝者也。戎。汝也。戎有良翰。周人相喜之辭。元大也。元舅。后父也。文武是憲。申伯文德。

武功皆可爲人法也

申伯之德柔惠且直。柔此爲邦。聞于四國。吉甫作誦。其詩孔碩。其風肆好。以贈申伯。

柔以手柔物使順善也。風聲肆遂。贈增也。贈之言使行增於義也。

此宣王與南服也。申伯雖四嶽之後。而前未建國。蓋本甫侯之支庶耳。宣王假元舅之尊而封之於謝。實爲控制荆蠻之要。凡以外通江漢。內屏陳蔡者。皆於是乎存。不虞後嗣非人。卒致不祀而爲楚之北門也。

烝民八章章八句

天生烝民。有物有則。民之秉彝。好是懿德。天監有周。昭假于下。保  
茲天子。生仲山甫。

仲山甫之德。柔嘉維則。令儀令色。小心翼翼。古訓是式。威儀是力。天子是若。明命使賦。

柔嘉維則柔嘉而有則也。令色正顏色而善也。古訓先王之遺  
典也。力勉若順。賦布也。明命使賦使布天子之明命於天下也。  
王命仲山甫。式是百辟。續我祖考王躬。是保出納王命。王之喉舌。  
賦政于外。四方是發。

式是百辟。爲諸侯法也。戎汝也。祖考虞公也。王躬是保。掌正王  
之服位也。出布納復王之大命。大僕之職也。喉舌所以出言也。  
發明也。如魯論亦足以發之發。

肅肅王命。仲山甫將之。邦國若否。仲山甫明之。既明且哲。以保其  
身。夙夜匪懈。以事一人。

肅肅嚴也將奉行也。若順也。順否猶臧否也。大僕掌諸侯之復



逆故明之也。明明於理，哲哲於事也。保身猶守身也。一人天子也。

人亦有言。柔則茹之，剛則吐之。維仲山甫，柔亦不茹，剛亦不吐，不侮矜寡，不畏彊禦。

人言世俗之言也。不茹柔，故不侮矜寡；不吐剛，故不畏彊禦也。人亦有言，德輶如毛，民鮮克舉之。我儀圖之。維仲山甫舉之，愛莫助之。衰職有闕，維仲山甫補之。

輶，輕儀，擬愛惜也。言山甫之德，人莫能助也。衰職，三公牧伯之職也。補彌縫也。奔爲東方大侯，錫命加衰時不能修其職而使山甫城其所屬，故云有缺而補以起下文也。

仲山甫出祖。四牡業業。征夫捷捷。每懷靡及。四牡彭彭。八鸞翼翼。王命仲山甫。城彼東方。

祖行祭也。征夫徒旅也。捷捷疾貌。東方齊守所治。

四牡駉駉。八鸞喈喈。仲山甫徂齊。式邁其歸。言甫作誦。穆如清風。仲山甫永懷以慰其心。

東方之城。山甫止以王官督其役耳。其役事固當使齊主之。故徂齊乃所以爲城。非城齊也。式邁其歸者。東方之城非止爲城。築計蓋或萊牧不靖。設城綏集如南仲城朔方之類。故望其敏於藏事而歸也。穆深長也。清風清微可愛之風也。永懷者內安外攘。任大責重不能無慮。但非有危難。故不至況瘁耳。

此宣王靖東土也。中伯建國大封之禮也。山甫徂齊大役之禮也。

韓奕六章章十二句

韓奕尹吉甫美宣王錫命韓侯也

奕奕梁山。維禹甸之。有倬其道。韓侯受命。王親命之。續戎祖考。無廢朕命。夙夜匪解。虔共爾位。朕命不易。輪不庭方。以佐戎辟。

奕奕大也。梁山韓之鎮也。在今同州府郃陽韓城二縣境。道自韓入朝之道也。韓侯武王之後。韓國今韓城縣。受命先君三年。喪畢以士服入見天子而聽命也。親命朝見之而親策命爲侯也。續祖考。繩祖也。不廢命。尊王也。虔敬也。匪解。虔共續祖尊王。

之實也不易言難保也幹同幹即易幹父幹事之幹不庭方不  
來庭之國也戒其外正羣國以佐王也

四牡奕奕孔脩且張韓侯入覲以其介圭入覲于王王錫韓侯淑  
旂綏章軍第錯衡玄衮赤舄鈎膺鏤錫鄭韋淺幟倅革金厄

脩長張大也秋見曰覲覲於路寢以其介圭執侯摯以見也上  
章受命以士禮見此則既受命而又以侯禮覲成其爲侯也淑  
善也淑旂大旂也綏大綏也綏章馬章也鏤刻金也錫當盧馬  
眉上飾也韋韋中淺虎皮也幟覆軾也軾中既持以鄭又加  
虎皮覆軾上也厄同軛轅端厄馬領者以金飾厄即金路也  
韓侯出祖出宿于屠顯父餞之清酒百壺其散維何魚鼈鮮魚其

韋維何。維筍及蒲。其贈維何。乘馬路車。蓬豆有且。侯氏燕喜。

祖反國而啟行也。屠即杜也。在今長安縣。顯氏。顯父王大夫也。餞。奉王命而餞也。藋。菜也。筍。竹萌。蒲。蒲弱也。贈。贈賄也。耳。古俎字。折俎也。既有蓬豆。又有俎也。侯氏。諸侯爲客之稱。胥相也。韓侯取妻。汾王之甥。蹇父之子。韓侯迎止于蹇之里。百兩彭彭。八鸞鏘鏘。不顯其光。諸娣從之。祁祁如雲。韓侯顧之。爛其盈門。

此言韓侯親王既成爲侯。則親迎爲急也。汾王。厲王也。厲王流殯在汾水之上。故時以日厲王也。稱王甥。舉其貴也。蹇父。亦王官也。卑稍地之里也。諸娣。羣媵也。祁祁。戴被隨行貌。如雲多也。爛。光盛貌。

厥父孔武。靡國不到。爲韓姑相攸。莫如韓樂。孔樂韓土。川澤訐訐。魴鱖南南。應鹿嘯嘯。有熊有羆。有貓有虎。慶既令居。韓姑燕喜。

厥父姑姓子爲韓侯夫人。故曰韓姑相攸。擇所嫁也。訐訐大也。南南卑也。虞虞鹿羆羆口相聚貌。猶似虎而小。慶喜令善也。既以善居相慶而韓姑亦安之。而有譽益美韓侯能正家也。

溥彼韓城。燕師所完。以先祖受命。因時百戰。王錫韓侯。其追其貍。奄受北國。因以其伯。實墉實壑。實畝實籍。獻其貔皮。赤豹黃羆。溥大也。燕北燕召公之後所封之國。今爲京縣。即順天府之大興宛平二縣也。燕師所完。蓋北燕伯爲方伯時所城也。先祖韓始封之祖也。衛服之外曰蠻服。百蠻其種蕃盛有百族也。蓋韓

之始封本因其時百蠻作亂而建國也追貶北國名錫者本非韓屬而特使節制之也伯元命之伯蓋北國而爲之長也墉城塞池籍稅也籍同籍傳云穀出不過籍是也獮狐類言北國之城池畝籍貢獻韓侯時專治之也

此宣王經北國也鎬京偏處西隅厲王暴虐王室陵夷宣王中興三方不能無事而申伯以元舅之尊山甫以王官之貴韓侯以武穆之親亦可以見一時經營之肯綮矣至韓侯以喪畢來朝則喪禮未壞也以士服入見則王章未廢也朝畢而親迎則昏禮猶備也君臣父子夫婦之倫無不正其中興也宜哉

江漢六章章八句

江漢美宣王命名穆公也

江漢浮浮。武夫滔滔。匪安匪遊。淮夷來求。既出我車。既設我旒。匪安匪舒。淮夷來鋪。

浮浮水盛貌。武夫謂召穆公爲大將也。滔滔順流貌。求招致安。定也。鋪陳也。陳師以服之也。求以懷之。鋪以威之。皆非無事而舒遊也。

江漢湯湯。武夫洸洸。經營四方。告成于王。四方既平。王國底定。時靡有爭。王心載寧。

洸洸武貌。淮夷既定而并經營四方。遂及江漢以南也。



江漢之游。王命召虎。式辟四方。徹我疆土。匪疚匪棘。王國來極。于疆于理。至于南海。

虎召穆公名也。辟同闢。周衰。徹法漸壞。故辟四方而以徹正疆土也。來極。即皇極之會歸也。言非以病害四方。乃欲四方以王國爲極耳。疆理。至於南海。言式辟之遠也。

王命召虎。來旬來宣。文武受命。召公維翰。無曰予小子。召公是似。肇敏戎公。用錫爾祉。

此追舉王命穆公經營之辭。自四方言之。故曰來旬徧宣布也。徧治其事。以布王命也。文武文王武王也。召公召康公奭也。言康公翼輔文武。故能有天下也。予小子。王自稱也。似。肖也。言穆

公非但奉王命之故固當象賢康公也肇長我汝公功也能似先公則長敏其功而王亦錫以福也

釐爾圭瓚。秬鬯一卣。告于文人。錫山土田。于周受命。自召祖命。虎拜稽首。天子萬年。

釐賜也圭瓚以圭爲瓚玉爵也秬鬯釀秬黍爲酒氣芬芳條暢也卣中尊也賜圭瓚一卣者以一祿之禮禮之也文人先祖之有文德者謂文王也告文人而錫猶云社稷之臣不敢專賞也于周受命自召祖命者又使穆公受命於岐周從其祖康公受命於文王之所以寵異之也拜稽首受王策命也天子萬年穆公頌王也

虎拜稽首對揚王休。作召公考。天子萬壽。明明天子。令聞不已。矢其文德。洽此四國。

對答揚稱考成也。穆公既受賜。遂答稱王之休。命作康公之廟。器而勒王策。命以考其成。且祝王萬壽也。天子之所貴者明也。明而又明。則其明也遠。而無所蔽。故又以美王而願其令聞不已。且祝其布文德於四國。亦責難陳善於無窮也。

穆公自營謝邑之時。蓋已使荆蠻順命。至此詩。遂沿江漢而疆理。至於南海。則皇極之敷。固登會稽而南。矣。式辟遠暨厥功。茂焉特錫之隆。所以媲美康公也。夫周都鎬京於東南。爲極遠。故江漢常武。繼韓夾之後。尤費經營也哉。

常武六章章八句

常武宣王征徐也

赫赫明明王命卿士南仲大祖大師皇父整我六師以修我戎既敬既戒惠此南國

大祖始祖也皇父即小雅之皇父官卿士而兼大師者也宣王自將伐徐先使皇父整師修戎戎事危故必敬戒而後能惠南國也

王謂尹氏命程伯休父左右陳行戒我師旅率彼淮浦省此徐土不留不處三事就緒

尹氏即小雅之尹吉甫也程本文王始居之邑伯休父之食采

故以爲氏後徙東周在洛陽有上程聚伯休父猶仲山甫蓋時  
爲司馬故使左右陳行而戒誓師旅也省與省同馮弱犯寡則  
省之九伐之一也循淮浦而省徐去自南而北懼徐之煽擾及  
淮故外示威於淮而內以孤徐之勢也不留不處責神速也三  
事司徒司馬司空也就緒有成功也

赫赫業業有嚴天子王舒保作匪紹匪遊徐方繹騷震驚徐方如  
雷如霆徐方震驚

業業不安居也嚴威也天子自將威可畏也舒徐保安作行也  
不留不處速也赫赫業業整也王舒保作暇也紹糾緊遊邀翔  
也紹則過急遊則不嚴皆非行軍之道也繹連絡騷擾動也匪

紹匪遊則徐方繹騷而震驚其而況以天子雷霆之怒乎再言  
震驚畏之至也

王奮厥武如震如怒進厥虎臣闔如燒虎鋪敦淮濱仍執醜虜截  
彼淮潁王師之所

進鼓而進之也闔視也燒虎怒也鋪布敦厚漬涯也言師勇而  
且眾也仍頻截斷也頻有執獲阻淮流而不可犯也

王旅皞皞如飛如翰如江如漢如山之苞如川之流緜緜翼翼不  
測不克淮征徐國

皞皞盛貌如飛翰疾也如江漢盛也如山不可動如川不可禦  
緜緜不可絕翼翼不可亂不測不可知不克不可勝也濯大也

王猶允塞。徐方既來。徐方既同。天子之功。四方既平。徐方來庭。徐方不回。王曰還歸。

王猶允塞。廟算自有真也。來來降也。同。近徐諸國皆服也。功成。功也。庭。朝回邪也。四方平而徐獨不庭。故王親征之。既來庭而不回。王即還歸。不窮兵以贖武也。

淮夷散於淮而無統。故召公經營而即服。若徐則有國而負固。爲患非大師。濯征固未易來庭也。徐方來庭而天下無不服。矣。上篇徹疆土大均之禮也。此篇整六師大師之禮也。大田之禮已具於車攻。吉日其不入於大雅者。以其猶在畿內。則未通乎天下故耳。

瞻卬七章三章章十句四章章八句

瞻卬傷西周大壞也

瞻卬昊天則不我惠孔填不寧降此大厲邦靡有定士民其瘵  
賊茲疾靡有夷屆罪罟不收靡有夷瘳

言昊天無所歸咎也惠愛也孔填不寧者詩人瞻昊天之不惠  
則憂傷滿懷而不安也厲虐癘病也茲賊害苗之蟲謂小人也  
蟲疾爲害之速也夷平屆極也言其害不能平而且不知所極  
也罪罟以罪加人如罟之網物不以其罪也不收則網人無窮  
無平愈之時矣

人有土田女反有之人有民人女覆奪之此宜無罪女反收之彼



宜有罪。女覆說之。

收拘說赦也。

哲夫成城。哲婦傾城。懿厥哲婦。爲梟爲鷁。婦有長舌。維厲之階。亂匪降自天。生自婦人。匪教匪誨。時維婦人。

哲智也。城猶國也。成城者。哲夫之事。婦人貴無非無僂。若矜其哲。必傾城矣。梟鷁皆惡鳥。哲婦雖美。猶梟鷁也。有長舌以多言。卽爲亂之階矣。寺庵人也。亂何以生於婦人。以不可教誨之言。惟婦寺言之也。此推原禍本。猶褒姒成之也。

鞠人忮忒。諍始竟背。豈曰不極。伊胡爲慝。如賈三倍。君子是識。婦無公事。休其蠶織。

鞠令窮治以入人罪也。愆忒但志於爲害而不循理之常也。潛同憎竟終背反也。其始既差則其終大謬也。愆忒至此亦云極矣。王豈不知而胡爲使之極其惡乎。蓋王惟知嗜利故也。君子謂王也。賈人計利市必三倍。乃王亦如賈人之徒。知有利則婦人雖無公事而亦舍其蠶織圖利以害人矣。此又原婦寺之禍根於王心也。

天何以刺。何神不富。舍爾介狄。維予胥忌。不弔不祥。威儀不類。人之云亡。邦國殄瘁。

天喻王也。刺以刀殺人也。神猶明聖也。刺對鞠人而言。神對潛背而言。富對識賈而言。言王何必殺人以求利。豈有神而不富。

者乎介天也時西戎爲患方大乃不憂大患而忌予是不憂所  
當憂而反忌所不當忌也弔閔也不祥即指姦賊鳴梟等而言  
也類肖也人亡無善人也殄瘁絕世可憂也

天之降罔維其優矣人之云亡心之憂矣天之降罔維其幾矣人  
之云亡心之悲矣

罔咎傷多幾近也此憂傷之至而不禁長言嗟歎也

威沸檻泉維其深矣心之憂矣寧自今矣不自我先不自我後藐  
藐昊天無不克鞏無忝皇祖式救爾後

檻泉上出喻諸侯尊王也深則藏而不出喻諸侯皆戴也王室  
不可爲而求助於諸侯不得已之思也至諸侯亦無乃心王室

者則憂彌甚矣。故又以寧自今明之兢兢高遠貌。鞏固也。然天意未嘗不可回。則危亂未嘗不可救。但憲章文武而能無泰焉。則已往雖不可追。而將來猶或及救。尚餘望之之意焉。蓋惻怛之思不能自己。而斯時之天下亦尚在可爲耳。

幽王之詩。小雅已極詳盡。而大雅猶及此詩。所以備西周之終始也。故無泰皇祖與文王之什。適相應焉。亦猶匪風之瞻周道而思王也。

召旻七章章五句

召旻傷東周大壞也

旻天疾威。天篤降喪。瘼我饑饉。民卒流亡。我居圉卒荒。

爲者西周既亡而東周又日趨於衰亂也居國中圍邊鄙也  
天降罪罟。蠢賊內訌。昏楮靡共。潰潰回遘。實靖夷我邦。

內訌爲亂於內也東周之弱非有外患也但爲國者皆如蠢賊  
而自亂之耳昏幽暗楮剝落也昏楮靡共惟事昏楮而無共職  
之人也潰潰水決散貌猶云土崩瓦解也國勢已潰潰然日就  
邪僻矣而我邦之所恃以治平者實在於是不亦可傷也哉

皐皐訛訛。曾不知其玷。兢兢業業。孔填不寧。我位孔貶。

皐皐頑慢意訛訛相毀也皆內訌昏楮之狀不知其玷習實爲  
常也兢兢業業孔填則詩人敬慎憂患之意倖天位也不可斥王故  
曰我位貶卑也言王室已日卑也

如彼歲旱。草不漬茂。如彼樓臺。我相此邦。無不漬止。

漬。遂也。草雖易生而旱則不能遂其茂也。樓。算水。草棲於木上者。未有能生者也。民逃其上曰漬。言必亡也。

維昔之富不如時。句維今之疚不如諄。句彼疏斯稗。胡不自斁。職兄斯引。

昔謂文武之時富盛時是也。今東遷後也。茲謂當時也。言先王之盛不如後世之衰也。而東遷雖病猶未有若此之甚者也。疏。相稗。精以疏爲稗。喻以小人爲君子也。夫如是而有不自替者乎。此憂之所以引而長也。兄同悅憂也。

池之竭矣。不云自羶。句泉之竭矣。不云自中。句溥斯害矣。職兄斯

弘不裁我躬

頻涯也不云豈不云也薄徧也池竭自外泉竭自內內外俱竭則無不受害者矣此憂之所以愈大也豈不至哉及其身不止者乎

昔先王受命有如召公曰辟國百里句今也曰蹙國百里句於乎哀哉維今之人不尚有舊

先王文武也召公康公也曰辟百里文王始自岐周三分天下有二至武王遂有天下也今東遷以後也曰蹙百里諸侯皆呼西周既棄於秦東周之地亦曰侵削也舊指召公而言今人豈遂無其人乎傷今之不見亦歎王之不用也

小雅都人士之什刺幽王者五篇刺東遷者五篇此則前篇傷西周此篇傷東周與小雅正相應也題既以召更名篇而終以思召伯又與公劉以下諸詩相應而國風召南及曹之下泉思伯亦無不相應也

蕩什十一篇九十二章七百六十三句

此什獨十一篇何也銖銖而積之至三而加重寸寸而度之至三而加長故什至三而加一猶徑一者圓三而其實不止圓三自然之數也然則小雅八什何無餘也曰小雅於什之二已闕其六則固存七什爲有餘而在八什爲不足也夫義豈一端而已